



# Jakaranda Gebiedskamp – Weesgerus

9 ~ 10  
September 2011

As nuwe lede van SAWA (Rietvallei), was hierdie ons eerste Gebiedssamptrek.

Alhoewel die saamptrek eers Vrydag 9 September begin het, was ons gelukkig genoeg om reeds die Donderdag al kamp op te slaan. By aankoms was daar reeds drie ander woonwaens en ons het die kans waargeneem en die beste staanplek uitgesoek. Gou is ons voorgestel aan Frank en Hettie Smith (Kiepersol Seniors) en hulle is toe ons vriendelike Kiepersolbure. Die twee SAWANANTE het ons dadelik huis laat voel en voor ons ons oë kon uitvee, is ons daar en dan deel van hul beplande toer na die Drakensberge! Die kampkommandante, Pieter en Johanna van Biljon (Voorsitter van Gebied Jakaranda), het hulself ook aan ons kom voorstel.

Vrydagoggend het die lede van die onderskeie Jakaranda streke stadig maar seker hulle verskyning gemaak en ons het met groot afwagting uitgekyk vir ons vriende van Rietvallei Streek. Dit was lekker om die volgende 4 gesinne weer te sien:

- Hennie en Anne-Marie Engelbrecht
- Wayne en Annemarie Botha
- Johann en Marlene Du Toit
- Tjaart en Marietjie Klaasen

Wayne het vir Aldo en Corne Grobbelaar saamgebring as gaste terwyl Gideon en Helena van Zyl, Hennie se gaste was. Dus was Rietvallei verteenwoordig deur 5 lede en 2 gaste.

Die kampfasiliteite by Weesgerus was deurentyd 5 ster en ons was verbaas hoe baie daar te doen was. Die getal woonwaens wat 2011 se saamptrek bygewoon het was in totaal 49.

Die naweekprogram het gesorg vir 'n heerlike luilekker naweek van eet



Party sit en ander staan en kyk na die 3D-kaartjies wat gemaak word.

en kuier! Ek moet die helpers wat Vrydagaand na Boekevat die worsbroodtjies voorgesit het komplimenteer met hulle suksesvolle poging wat ± R400.00 vir hul kas opgelewer het. Dit was baie smaaklik en heelwat het vir 'n 2de porsie gegaan.

Boekevat is dan ook een van SAWA se Christelike beginsels wat ons as nuwe lede baie waardeer. So is Saterdagoggend Boekevat aangebied deur ons eie Rietvalleiers, wat 'n spanpoging daarvan gemaak het met Tjaart wat voorgelees het,

Hennie wat die sang hanteer het en Wayne wat 'n besondere gebed gedoen het. Later die oggend was daar heerlike pannekoek en almal kon smul terwyl hul toekyk hoe kaartjies gemaak word, aangebied deur Janetta Toerien van Wapadrand. Wanneer daar nie enige aktiwiteite aangebied is nie, kon lede doen wat hul wou, ingesluit swem en kuier en nogmaals swem.

Saterdagaand was saambraai tyd en die pap en sous is deur Pieter en sy trawante voorsien. Terwyl die musiek gespeel het, het verskeie paartjies die sementvloer van die lapa aangedurf terwyl ander

lekker saam gekuier het tot laat.

Sondagoggend het ons geestelik gegroeï tydens die Erediens wat gelei is deur 'n plaaslik afgetrede gasprediker.

Die middag was dit nie aangenaam om toe te kyk terwyl almal begin kamp afslaan nie. Aan die anderkant was ons bevoorreg om nog 'n paar dae oor te staan!

Dankie dat ons kan deel wees van hierdie kampfamilie wat die SAWANANTE genoem word!

Deur: Roekie Hill



Annemarie besig om haar 3 dimensionele kaartjie te maak Janetta Toerien het almal vinnig touwys gemaak.